

序

西來一宗自天童中興濟上見孫徧天下
可謂盛矣然未有如雙桂之尤超於諸方
也雙桂得大機用決不肖以第二門頭示
人故受其煅鍊者亦皆具大人相如獅子
不遊於兔徑第此事雖云一倒便休若離
師太蚤又安能充明絢赫乎余所以淡服
象崖禪師可謂雙桂嫡子不異破山老人

象崖禪師語錄

之於天童也當其初辭受業將往參方聞
金粟且赴黃檗卽先期候焉正所謂打頭
便遇作家更不入狐干羣隊矣遂親侍不
太迨金粟因事散衆又擇其的嗣而依之
蓋自金粟至東塔復自東塔而至南都以
及歷楚入蜀未嘗須臾離本師座下至本
師說法萬峰中慶仍輔弼多幸嗟乎茲非
南嶽之所以事曹谿者哉故其拈提直捷
電激颺馳不取文字尖新而句意俱到展
拓雙桂波瀾婆心接引縑素無不歸誠卽
藩王相國欽仰恐後七坐道場聲播遠近
且道行皎於冰霜一絲一粒不偏乎衆屹
朕中流砥柱所彌克家之子非耶師之孫
西峰聞禪師來禾鎬師語錄入藏余焚香
啓誦洵末法之金剛利器也因不敢以無
知辭謹拜手而爲之序

昔

康熙十九年蒲月穀旦

構李約菴道人施博撰



象崖禪師語錄卷第一

潭州西峰法孫益聞重刊

上堂一

住重慶府忠州東山龍蟠禪寺師在中慶首座寮受
請至山頂插標云天爲片瓦地爲甌古殿無燈日月
懸拄杖橫肩全體露借吾迹迹到驢牽
據室石霜室中橫按隻劍秘魔巖下擎箇木叉且山
僧到來如何施設擲拄杖云銅頭鐵額如龍虎看取
南山鼉鼻蛇

護法請開堂拈疏云第一義諦青山綠水已吐了也

象崖禪師語錄

擬欲重加偈言便請維那宣過

指法座云放出青藜蓋一儀燈王揭鼓豎降旗威音
古調曲初唱剔起蒼蒼兩道眉大衆見麼遂陞告香
云者辨香如天音蓋似地彌擎奉爲

今上皇帝祝嚴聖壽萬歲萬歲萬歲伏願狼煙息
而金輪御耕漁鼓瑟鴈弓挂而玉燭調樵牧謳歌又
拈香云者辨香葉陰星辰位隆盤石之堅根敷塵刹
功濟維城之固奉爲滿朝文武圖國官僚伏願同將
補袞調羹手撥轉如來正法輪又拈香云者辨香帶
雨露而出因關六載辛勤心燈始契涉吳楚而栖蜀

水一朝授受智印方傳達人不是揚家醜對境深思
痛棒痕奉爲現住紹祖山中慶禪寺傳臨濟正宗三
十一世破山大和尚用酬法乳之恩惟願生生執巾
侍餅世世續發聯芳乃攝衣敷坐維那白椎云法筵
龍象衆當觀第一義師喝一喝云優曇鉢華時一現
耳我本無心有所希求今此法王大寶自然而至豎
拂子召衆云會麼如其會得優曇鉢華時時出現法
王大寶人人具足靈山咫尺洞明少室真機頓徹縱
橫挂域中日月卷舒立方外乾坤坐斷巖廬頂不卑
釋迦文拈一草艸爲丈六金身將丈六金身爲一草

艸婢視聲聞奴呼菩薩不須覺城東際始見文殊樓閣門開方參慈氏利利須彌鼓舞全彰妙體塵塵海水波騰盡圍音瞬目揚眉播真風之不墜拈拳豎指振微猷之莫極挽回上古宏規啓鑒人天正眼得大機頭大用豁開戶牖捲幔十虛擊碎龍明月珠敲出鳳凰五色隨報莫報之恩為無為之化拂子頭上有如是光明有如是時節若有過量大人直下薦去正好龍蟠門下喫棒大眾且道是賞是罰乃卓拄杖云萬方有道歸皇化一巨無私賀太平

上堂舉寶壽開堂三聖推出一僧壽便打聖云恁麼為人瞎卻鎮州一城人眼去在壽擲下拄杖歸方丈師拈云三聖坐籌帷幄退已讓入者僧身挨白刃皮下無血寶壽據令而行龍頭蛇尾三人雖縱奪可觀未免有得有失山僧今日開堂若有人推出一僧勞春便打他若云恁麼為人瞎卻西蜀人眼去在直打教棒折也未放手何故要教天下人眼去在是汝諸人還知落處麼卓拄杖云橫按鐵錫全正令太平寰宇斬癡頑

中慶端使送法衣至上堂僧問祝聖開堂即不問傳衣付法事若何師云大庾嶺頭提不起進云魚過禹門電燒尾雷震齊助采聲來師云鷄足山中笑點頭乃云雲霞體上衣謝是天邊賜何以谷重恩當陽只一句且道是那一句喝一喝云玉鼎長焚白月團隨風直到巾幘處

上堂宇宙之內有一老人頭靠五須彌腳踏四大海簡點微塵經卷賣弄古佛家風且道此人有多少春秋還委恁麼卓拄杖云劫數芥城終有盡斯人福壽實難窮呵呵下座

臘八上堂獨坐少人知自憐雙眼夜半觀明星無端瞎一隻三七思惟沒奈何樹下經行虛歎息騰今

釋古累兒孫箇箇扶籬與摸壁唯有龍蟠鐵蒺藜天柱地無窮極因齋慶讚釋迦文當陽對眾亂拋擲木童火裏笑嘻嘻石女谿邊吹唇築告報諸人聞不聞頭上金烏似箭急今季臘八在茲山明季不知何蹤跡薦取瞿曇悟底時摩訶般若波羅密

上堂十五日已前無位真人擔雪填井十五日已後無位真人持齋酌海正當十五日且道無位真人有甚活計月中丹桂和雲摘天上瓊華帶雨收拍禪牀下座

元日上堂元正啟祚萬物維新寶鏡高懸森羅獻彩惟願皇風永扇佛日長明麒麟現而干戈戢鳳凰出而文德修四海衲僧吹新法螺擊新法鼓拈新拄杖演新法義共祝昇平且一氣未分已前又作麼生數聲清磬是非外一箇閑人天地間

上堂問為眾陞堂則不問未出方丈時如何師云日月不赴乾坤黑乃云盡虛空世界是一面古鏡百千香水海百千須彌廣大山河艸木叢林若聖若凡若僧若俗若男若女若貴若賤有情無情俱在裏許為甚麼為山水粘牛影也不見良久云顛眠倒臥無人識萬里青天月一鉤

解制上堂威音已前高挂鉢囊與汝諸人結制樓至已後拋出艸鞦與汝諸人解制且道今日結即是解即是者裏道得結解分明龍蟠拄杖子兩手分付一任天下橫行有麼有麼一僧喝一喝一僧頓足師云恁麼道又爭得良久云釣竿斫折重栽竹不釣金鱗誓不休喝一喝下座

涼復說偈曰一瓢將四海白夏且孤峰箇事慵僂舌真機賴犯鋒添餅擲澗月枕石賣松風若問安居法無勞鼓更寒

六月一日上堂問為眾激揚則且置未出方丈時如何師云竹密不妨流水過進云既出方丈時如何師云山高豈礙白雲飛乃云六六六六如摩醯首羅目一一一恰似少林無孔笛若也會得一六分明一生參學事畢靈源不味萬古微猷入此門來莫存知解一塵不立鶴臨碧漢一塵既立鳳出蒼梧熱則普天熱寒則普天寒為甚雪竇道茫茫普熱紛紛下雪又作麼生拍禪牀云雲在嶺頭開不徹水流澗底太忙生

上堂未到龍蟠有生有死既到龍蟠無得無失且道龍蟠有甚奇特唯有天在上更無山與齊喝一喝下座

解制上堂一結一解賞覺知音一縱一擒唯尋作者九十日東十世界作一微塵置布袋裏為圓覺大伽藍安居平等性智就中護生說法證道成佛昨夜孤鴈一聲石枕夢回解開布袋口踢倒大伽藍掀翻世界海智無智可得生無生可護法無法可說佛無佛

可成不如一一散去各逞風流逢緣作主隨處即宗且道三千里外逢人一句又作麼生喝一喝下座住拈華報恩禪寺三門云芭蕉推地軸簞笠頂天關捉到福城太拈華且破顏便入

據室恁麼也不肯不恁麼也不肯直饒道得十成者裏只許一半喝一喝遂起

開堂拈疏云大眾會麼霞箋寫出言言異蜀錦描來句句奇

天津瑞為祝嚴

今上皇帝聖壽萬歲伏願龍圖鞏固鸞閣彌新德風播堯風而永扇化日麗舜日以長明此辨香泰山不足比其高止水不足喻其清奉為諸位勳貴闔郡縉紳供益檀護當山請主伏願現宰官身而說法霖雨利土示普隆相而垂形月印于江此辨香多子塔前分枝奕輪報恩手裏續儀聯輝奉為傳臨濟正宗三十一世破山大和尚用酬法乳錯在昔季遭辣手恨從此日尚酸心斂衣跌坐推那白椎云法延龍象眾當觀第一義師云若論第一義諦未白椎已前華學

東崖禪師語錄卷一

七

了也更其聲欬饒古大似掉棒打月豈堪珍美所謂向上一路千聖不傳學者勞形如猿捉影是以世尊拈華百萬人天惟金色頭陀破顏微笑後來不識好惡尋枝摘葉引蔓牽藤絆斷驢蹄脚致致令旁觀者咽山僧今日不是壓良為賤止響揚聲要汝諸人向未白椎已前未拈華之際薦取自己迴脫根塵觀剎那際如同遠劫視十方界如一浮漚在在恢弘金剛正印處處寶弄古佛家風眼蓋乾坤大方獨步太阿在掌截眾流而一致寶鏡當空含萬有以無私說甚一義二義直使無量妙義無邊三昧到報恩門下瓦

解冰消汝諸人還委悉麼堅拂子云惟憑者箇真消息長與南山祝聖恩

上堂問唯佛與佛乃能知之且道知箇甚麼師云癩牛舂碓進云箇事且置無位真人即今在什麼處師云跛蹇敲板乃云山居無事作杖子被蟲蛀月下唱巴歌驚起梵王怒大眾還會麼喝一喝云拾得摩尼無價珍海神知有不知貴
臘八上堂六季冷坐幾乎凍殺不是明星一照至今討甚煖氣雖然如是報恩未宜點首在何故譚家住東州卓拄杖下座

再住龍蟠上堂極目彌天雨雪來突拈白棒逐風雷陽春幾唱無人和為覓知音太復回眾中莫有知音者麼出來接拍問杖頭一別拈華去再住龍蟠有甚禪師云艸艸錫雪人人見拄杖敲雲幾箇聞進云即今覷面者誰師云雪壓能推潤底松風吹不動天邊月乃云天為片瓦地為一輒既無心於彼此何有相於公來如是在彼在此玄機獨露一吞一吐真風永播所謂從無住本流出萬端與無緣慈通遊刹海如洪鐘之待扣似空谷以傳聲扇子時跳上三十三天藥著帝釋鼻孔東海鯉魚打一棒雨似盆傾在在皆

賢樓閣處處文殊境界且道即今住拈華是住龍蟠是者裏見得山僧分與半院一僧喝一喝師云蝦跳不出斗一僧拈拳師云倚牆靠壁漢不如山僧自道公也以拄杖空中點一點云大千歸一色盡在玉毫中

住忠州楞伽山玉峰禪寺

方丈云入此室據此座太其黏解其縛抽腦後釘拔眼中楔且道是何心行擬作江邊垂釣叟蘆華暗折如霜枝

開堂拈瓶示眾云此是震大千沙界法鼓催佛祖出世號今且今行一句作麼生道喝一喝云墨占巨椽彩毫吞四海雲

東崖禪師語錄卷一

九

指法座云華王寶座毘盧頂上即今高登是何境界以拄杖畫○云萬里無雲日上時便陞拈香云此辨香天無私蓋地無私載奉為

北闕之至尊仰祝南山之聖壽伏願賜弓已挂狼煙息寶祚時登鳳閣新此辨香奉為滿朝文武閭郡尊官當山請主汝止高公伏願護法宛如裴相國聲名奕世等三蘇此辨香萬峰頂上得來親棠印可三回爐中拈出不敢孤負奉為現任萬峰山太平禪院破

山大和尚用酬法乳伏願不捨折盧之手根重神州之器敘永跌坐上首白椎云法延龍象眾當觀第一義師云漁翁乘興起風來龍竹鳳絲坐釣臺無限金鱗隨餌上禹門天迴雪濤開僧纔出師云來也僧云萬物咸新即不問玉峰開堂事若何師云自從鷲嶺分燈後直至支那權古今進云昔日裴相今朝高公是同是別師云一箇鼻頭兩孔出氣進云恁麼則動容揚古路不墮悄然機師云路逢劒客須呈劒不是詩人不獻詩問如何是曹谿正脈師云有眼拄杖敲日月無星秤子稱山河僧禮拜師乃云楞伽挺秀千

東崖禪師語錄卷一

七

聖凝眸玉峰騰輝萬機圓照灰器人天正眼激揚少室宗猷月明簾外翻身荆棘林中著脚扣洪鐘於照時沙界咸聞豎寶幢於金地大千俱曠有時掉臂霧起有時奮欸風生大中現小小中現大南瞻部洲透馬北鬱單越行船古帆未挂彼岸先登獅琴既振山河作舞是以動靜一如去來一揅鉞鋒頭上倒卓須彌眉毛緯裏全傾海水共向上也德山臨濟口吐其向下也燈籠露柱生兒如斯薦得尚落階梯提更沉吟白雲萬里復舉裴相國一日捧一尊像胡跪黃檗之前云請師安名藥喚裴休休應諸藥云與汝安名

竟休便禮拜師云裴相有補袞之手黃檗具陷虎之機二人相見如水合水似鏡對鏡所謂大人具大智大智具大用若論恁麼事須是恁麼人若是恁麼人不愁恁麼事且今日玉峰祝聖開堂一句作麼生道拈拄杖云惟憑者箇荷春力仰祝吾皇億萬季

上堂明明百艸頭明明祖師意古人恁麼道只道得一半山僧則不然拈拄杖云明明拄杖頭明明祖師意且道與古人是同是別箇點得出祖師在佗脚跟下荷或未更聽一偈百艸西來自杖頭祖意真迷時雖不遠悟後始相親連綻水河發華開鐵樹春諸

東崖禪師語錄卷一

七

禪須著眼識取本來人

上堂問未問話已前時如何師拈拄杖云會麼僧拂袖歸位師卓拄杖云一擊響玲瓏喧轟宇宙中只緣聲徹處識取主人翁泥牛耕水月木馬趁清風撞著玉麒麟三箇鬧叢叢且道鬧箇甚麼金鐘撞處百華開妙果圓時福自隆

上堂問法身無相法眼無取作麼生彰顯師募頭一棒云法身無相而今現形舉拄杖云是諸仁者通身是眼還見得分明麼見得分明眉毛上有釋迦耳孔裏有彌勒苟或未然擲拄杖云天共白雲曉水和明月流

上堂問如何是致理一言師默然進云致理無言時如何師云馬駝貝葉不持經乃云一般春色醉東風濃淡青黃自不同拈向杖頭開正眼直教箇箇盡成龍如是一切聲是佛聲一切色是佛色柳眼斜邊窺水中之幻泡桃唇陌上笑鏡裏之韶光一雨一雲原無所私根草枝葉各成大小泥多佛大水漲船高試問賓頭盧尊者善應四天下供今日昔公設齋尊者還來也無良久卓拄杖喝一喝下座

象崖班禪師語錄 卷一

三

云祇如橫身踰躍者又作麼生師云腳跟下好與三十棒問如何是春景師云雪嶂雲同色松風海共濤進云祇如不與萬法爲侶者是甚麼人師云朝聽上灘鼓暮聞洞下鐘乃云唯鳩關關燕語喃喃山筆似錦澗水如藍咄欲明者箇意莫將聲色參如斯應得卽見紹宇梁居士父母未生已前面目宛然父母既生後佛眼觀不透銀盤盛雪銅盆盛油南山起雲北山雨張公喫酒李公醉十世古今不離當念無邊剎海不隔毫端凡夫舉措聖賢步履驚子目連共一鼻孔且酬恩一句作麼生道卓拄杖云斑衣不舞因齋

蚤獨借杖頭報乳慈

檀越送法岐至上堂問如何是玉峰境師云二僊描不就進云如何是境中人師云峰頂與隨丹鶴去松間倦引白雲歸問如何是西來大意師云摩尼映五色僧禮拜師便打乃云心從境有境向心生心境相彰如鏡中像金銀暗繡雲裏鸞鴛展翅玉綫明牽林間獅子回頭如是種種色相種種音聲種種光明種種三昧無一法不周無一法不具如天普蓋似地普擎截幾枝寸寸是寶折梅檀片片皆香因中萬德莊嚴果中萬福受用以拄杖指法岐云大衆會麼吳綾

象崖班禪師語錄 卷一

十三

剪就天華彩蜀錦描成佛國春

上堂十方同聚會箇箇學無爲此是選佛場心空及第歸龐居士恁麼道山僧則不然十方聚會路無差箇箇心開智慧華及第心空遊竹院大家同飲趙州茶

追嚴上堂問翠色森森鳥語滑滑且道是聲是色師連打兩棒進云不落聲色時如何師震威一喝乃云日日登堂時時說法搖三寸舌簾兩片皮多說不如少說少說不如不說所以摩竭掩室毘耶杜詞雖然如是官不容鍼私通車馬教中道寶所在近試問諸

人如何是寶所若知寶所去處卽知父母生身去處若知父母生身去處卽知三世諸佛生身去處若知三世諸佛生身去處卽知自己生身去處佛恩親恩一時報畢苟或未然更聽一偈寶所尚無心駐棹化城豈肯意停橈欲知父母生身處倒跨泥牛上碧霄呵呵下座

上堂云昨夜夢楚書嘛呢叭嚩吽今日不覆藏分明告諸衆會卽便會去不會試把筆言更拈弄舉那吒太子拆骨還父割肉還母然後現本身而爲父母說法是謂之至孝也烏知百劫之下更有超其上者今

鴻羽張居士也不拆骨還父也不割肉還母也不現本身而爲說法祇破怪誕劣語玉峰揮金設供齊諸梵衆獨借山僧拄杖頭而爲說法全體未曾生全體未曾滅全體未曾來全體未曾去如是卽五濁而超淨域居煩惱而證菩提且超脫一句作麼生道漫捉虛空罅內時光明不定走盤珠拍禪牀下座

本山勤舊靜業二公忌日請上堂標榜山門壯佛居須栽松柏萬千株拈鋤道者今何在笑指蒼蒼佛太虛舉僧問趙州如何是祖師西來意州云庭前柏樹子僧云和尚莫將境示人州云我不將境示人僧云

如何是祖師西來意州云庭前柏樹子大衆試簡點看簡點得出卽知靜業二公在松柏枝頭相見談不遷義把臂與趙州古佛同起同行同坐同臥縱有西來大意向何處安著豈拂子云當處不離常湛寂山頭松柏笑呵呵

上堂云宗乘舉唱十地魂驚正眼纔張三賢膽顫毛吞巨海芥納須彌底人猶落下風且向上一句又作麼生拈拄杖云自是不歸歸便得五湖煙景有誰爭上堂云迦葉波見世尊拈華契機而破顏微笑須菩提見世尊談經解旨而涕淚悲哭大衆二大師一笑

象崖班禪師語錄 卷一

五

一哭未免各見一邊山僧特與領出有時笑有時哭七星斜映揮魔窟一箭雙鵰落碧空六六依然三十六卓拄杖云咄

上堂云兔角杖龜毛拂有時顛拈倒弄有時倒弄顛拈疑殺天下人悟殺天下人十字街頭有彌勒四衢道中有釋迦汝諸人還逢著也無如其逢著靈山一會儼然未散卽見應震居士父母已在世尊前聽受一切法不生一切法不滅且末後一句作麼生道擲拄杖云向下文長付在來日

上堂云壁立千尋難湊泊銅頭鐵額漫勞倚桃紅李

白真慈氏笑指南詢有善財大衆還見善財麼卓拄杖喝一喝下座

上堂云春色濃如鶯鶯聲語欲流分明宜祖意何用別馳求如斯薦得人入本源彌綸萬有箇箇妙體逼塞虛空且道山河大地向何處安著昨夜木人曾報言彌勒收歸布袋裏且本源妙體在布袋裏不在布袋裏參

上堂云祇箇心心心是佛十方世界最靈物拈拄杖云者箇是拄杖子如何是心知其心即知其佛知其佛即知自己知其自己即知心佛衆生三無差別拈

寒山轉苍翠

去

一草艸爲丈六金身將丈六金身爲一草艸即無明而證種智居凡軀而登聖位大衆且道必竟如何是心以拄杖畫○云不遇春風華不開華開須藉春風力

上堂云五五二十五打開寶藏庫撤出無價珍供養無數佛且道誰是供養者誰受供養者咄因憶謝三郎月下自搖鈴

上堂云春和三月裏風暖碧桃開玄沙道未徹靈雲不更猜如是萬法若無普賢失其境界一法若有毘盧墮在凡夫一法且置毘盧遮那即今在甚麼處時

西堂喝一喝師云百億身分百億利一華端有一如來

上堂云天晴日頭出歸禽易見巢雨落地下淫過蟻難尋穴直得半陰半晴未免三頭兩面百丈野鴨玄沙見虎趙州喫茶禾山打鼓者四老漢施設門中略較些子若論向上提持山僧未敢相許爲甚不相許

食觀天上月失卻手中鏡
解制上堂鐵笛橫吹出大方胡笳韻合愧風狂十期杖擊巫山雨七處華拈蜀水香栗棘藍中拋未盡龍蛇脚底踢空長絲綸罷釣波心月毒鼓三搥作戰場

卓拄杖云大衆還見麼時一衆齊下喝師云擊擊擊住發川西禪寺邑侯鄭公請開堂拈疏示衆云靈山與旨祖域玄機盡在箇裏便請維那剖露

指法座云巍巍卓卓坐斷十方要登便登不禮燈王遂陞拈香云此辦香奉爲

今上皇帝祝嚴聖壽萬歲萬歲萬歲此辦香奉爲邑侯鄭公在位尊官此辦香昔李副價龍蟠不敢被蓋囊藏如今海衆要知未免重新舉揚奉爲現住萬峰山太平禪院破山大和尚用酬法乳敘衣跌坐上首白椎云法筵龍象衆當觀第一義問拈香祝聖即

不問波羅山點頭時如何師云有眼莫鑒僧喝師便打乃云靈機迴峻在處舉揚智實圓明隨方顯露拈拄杖云大衆會麼世尊不說說迦葉不聞聞天曉起來門正啓誰家竈裏火無煙雪峰道盡十方世界如粟米粒大拋向面前漆桶不快神光三拜而得隨趙州八十猶行脚所謂若論箇中事須是箇中人若是箇中人不愁箇中事我此現前四衆箇箇鼻孔通天人人脚跟點地向上一著無勞指似復舉東坡居士偈云谿聲盡是廣長舌山色無非清淨身夜來八萬四千偈他日如何舉似人師云東坡此偈古今獨唱

寒山轉苍翠

去

可謂陽春白雪爭奈把三世諸佛埋沒在聲色堆裏至今無人救得山僧恁麼品論莫有與東坡出氣者麼卓拄杖云一把柳絲收不得和煙搭在玉闌干開爐上堂法無邊際緣會而彰心無彼此投機而應其把住也黃金掩耀其放行也瓦礫生輝若向者裏會得聚寶峰微笑波羅山點頭脫或未然不免旁通一綫公也舉百丈與爲山圍爐次百丈命爲山撥火山撥之無火丈躬起自撥得一星火語爲云你道無者箇聲爲從此悟本師云爲山不得百丈幾乎凍殺百丈不得爲山勞而無功雖然父子名邁古今總被

者一星火燒卻以拄杖吹一吹云大衆會麼照顧肩毛頰曰雪壓隆冬品類枯寒來父子偶圍爐火星迸出通身煖勝喫曹山酒一壺

孝臣龔居士請上堂昔日龐居士逃禪入翠微西江一口吸透徹祖師機且如何是祖師機莫是揚眉瞬目是祖師機麼料掉沒交涉莫是拈拳豎指是祖師機麼料掉沒交涉莫是擊又輓毬是祖師機麼料掉沒交涉莫是雀噪鴉鳴是祖師機麼料掉沒交涉莫是翠竹黃華是祖師機麼料掉沒交涉既都虛沒交涉畢竟如何是祖師機良久拈拄杖喝一喝云祇園

寒山轉苍翠

去

屈曲泉流急驚蟄我月上遲
陸震李居士請上堂父母未生前鼻孔通天父母既生後脚跟點地大丈夫漢因他一聲直得南瞻部洲種樹北俱盧洲結果東勝神州撞鐘西牛賀洲擊鼓不是神通妙用亦非法爾如然直下會去猶較些子脫或未然一片白雲橫谷口幾多歸鳥盡迷巢
慧菴老宿請上堂舉應菴問密菴云如何是法眼密云破沙盆應領之師云破沙盆尋常殿在糞掃堆頭爲甚二祖寶之雖然也是饑逢王儲渴遇甘泉若是正法眼未夢見在西禪恁麼品論還有與二祖出氣者麼以拂子擊禪牀云珊瑚枕上兩行淚半是思君半恨君

上堂云寒霜凋百卉梅餘發新芽底事分明極何須鼓更搥金牛喫飯趙州飲茶德山用棒秘魔擎叉者一隊老凍膿也是勾賊破家且道西禪又作麼生拍膝云者裏親薦得鐵樹也開華復舉世尊陞座文殊白椎世尊便下座文殊云諦觀法王法法王法如是拈云大小世尊性命在別人手裏試聽一頌淡放濃抹打歌謔擬欲高高唱哩連無奈東君漏泄盡許多清怨落誰邊

元旦上堂拈拄杖云天得一以清地得一以寧元正啓祚萬物咸新村歌社舞佛法分明無事衲僧願祝昇平卓拄杖下座

解制上堂說心說性入海算沙舉古舉今波中捉月德山用棒臨濟用喝雖是好心究竟大錯且道西禪今日解制又作麼生指示拍禪牀云路逢達道人莫將語默對

象崖挺禪師語錄卷第一

駕水謝穎仙書
月里倪天章請

象崖挺禪師語錄卷第二

潭州西峯法孫益聞重刊

上堂二

住西陽白果山華嚴禪寺師在西禪受請至三門云居家不離途中事常在途中不出門喝一喝便入佛殿佛之一字吾不喜聞即今撞著如何回避石女未開瓊殿鎖木人已在玉樓歌

方丈達磨面壁難摩默坐斷千差歸一色新長老到來豈可循途守轍喝一喝云宏開不二門拔出眼中楔

象崖挺禪師語錄卷二

司主冉玉岑請上堂問大西洞天即不問舊店新開時如何師云大家在者裏進云恁麼則一輪光照無私去也師云莫眼華僧禮拜師豎拂子召衆云靈山與旨祖域玄機惟傳此也更無別法明明絕滲漏歷歷不覆藏只須高著眼莫將聲色參昔如來從兜率天而降皇宮遊四門而到雪山六季苦行觀星悟道說法四十餘季未常說者一字未後拈華而傳衣鉢直至于今繩繩不絕汝等諸人須信自性是佛莫向外求百千樓閣無量三昧皆從自性中建立豈有他哉復揮拂云還委悉麼千山勢到嶽邊止萬派聲歸海上海上消

開爐上堂一年一度開爐日要與諸人豎鐵杵驀然覷被祖師機白雪陽春歌不息時西堂拍几作聲師云救

上堂終日露堂堂無人解舉揚勞他木上座饒舌錯商量拈拄杖云且木上座商量底是甚麼義若道有義有即是空若道空義空即是有若道非有非空即

是顚預佛性若道即有即空又是饒何真如如是四義既非大衆且道商量底是甚麼義以拄杖畫云參差松柏煙凝海重疊峰巒月上遲

茂林李居士生日請上堂父母未生前薦取南宸北斗命同春喝一喝云蟠桃千樹纔吞吐笑傲乾坤不老人

臘八披刺上堂靈鷲獨鳴覺人醒夢裏遊魂好自聽莫把因緣容易過雪山午夜悟明星汝等諸人還知悟處麼如或未然更聽一偈覷破了覷破了適志幽林擇木栖安身始覺斑鳩巧

上堂問大作獅子吼時如何師云有耳若聾進云百華香滿地萬物盡皆春師云穿卻鼻孔問如何是箇中事師云開敲石鼓跨金牛進云即體即用時如何

師云有問有答進云恁麼則慈雲普覆塵沙界枯木常開智慧華師云自領出去乃云棒頭取證喝下承當正如頭上安頭離見絕聞超聲越色大似撥火覓漚離此二見不墮中間且獨脫一句作麼生道試玉須經火求珠不離泥

解制上堂函蓋乾坤截斷衆流隨波逐浪此三句若一一分析得出與汝諸人解制許伊有出身路其或未然富嫌千口少貧恨一身多

住大西鐵鶴庵上堂問達磨不立文字今日更有佛法可說否師云一華開後一華開問鐵鶴庵未成時

象崖挺禪師語錄卷二

三

何如師云鐵鶴庵進云成後時何如師云天下太平萬民樂業進云人事如何師云放下即安穩乃云心生則法生心滅則法滅大地山河樓臺殿閣皆從心生昔亞仙捨曹谿與六祖義之施廬山送歸宗今日醇道人將大西洞天而惠山僧成祇陀林爲選佛場即體即用即用即體一句作麼生道移華兼蝶至買石得雲饒喝一喝下座

上堂淨法界身本不生滅大悲願力示有去來且淨法界身在甚麼處豎拂子云不因風撼樹爭見路華飛

上堂年年四月八香湯浴悉達杓柄向誰拈千江一口呷若也會得塵塵剎剎若也不會當頭一喝豎拄杖云釋迦老子來也汝等諸人還見麼卓杖云劉上堂問啞子得夢作麼生道師云一箭透重關進云恁麼則到頭霜夜月任運落前谿師云是甚麼人分上事僧擬進語師便打乃云谿聲鳴明月落禾山打鼓普化搖鐸五位三玄九帶四莫如是陳爛葛藤到者裏都用不著汝等諸人作麼生摸索到頭霜夜月任運落前谿

家範語錄卷三

四

師云爲汝上堂竟

上堂舉東印土國王請般若多羅尊者齋王問尊者衆僧皆轉經師何不轉者云出息不涉衆緣入息不居蘊界常轉如是經百千萬億卷山僧則不然設有入來問衆僧皆轉經師何不轉祇向他道流水高山無限意許多清韻有誰聞卓杖下座

上堂師豎拂子云會麼三世諸佛歷代祖師唯說者箇更無別法盡十方世界情與無情皆不出此且道如何是者箇木馬火中嘶泥牛水上行尹仁居士生日請上堂揮拂子云若論第一義未出

母胎已露了也既出母胎四地一聲已露了也今日請山僧陞座未出方丈時已露了也既然如是且慶祝一句作麼生道和盤托出菩提果覺樹常開智慧

上堂舉世尊陞座文殊白椎馬祖上堂百丈捲席雖然鍼芥相投未免師資芥齒以拂子左拂一拂云還見文殊麼右拂一拂云還見百丈麼擲下拂子云莫謂渠懷多意氣從來舉唱要知音傳戒上堂今年臘八不尋常大地山河盡放光悟得明星真戒體不增不減等金剛

上堂問如何是一喝如金剛王寶劔師云一刀兩段如何是一喝如獅子距地師云前不邁村後不抵店如何是一喝如探竿影射師拈拂子云會麼如何是一喝不作一喝用師便喝進云只饒棒頭領旨喝下承當猶是鈍漢更有呵佛罵祖大闢提人和尚又作麼生師云禮拜了退問大悲千手眼度人和尚用幾手眼師豎拂子云只用者箇乃云若論此事唯一堅密身一切塵中現雖居塵中而塵中收他不得雖居四相而四相羅籠不住雖然非大福智人莫能到此且今日何夫人營齋請法即體即用一句作麼生道擲

拂子下座

上堂舉龐居士云十方同聚會箇箇學無爲此是選佛場心空及第歸試問諸人心又作麼生空拍膝云雪後始知松柏操事難方見丈夫心

四月八日上堂問如來者無所從來亦無所去如何更有四月八師云只爲兒孫切進云如何是切師云惹得惡水澆僧禮拜師乃云四月八四月八毘嵐園內生悉達指天指地獨稱尊大千沙界闢昭昭九龍吐水沐金身將此淡心奉塵刹大眾還見釋迦老子生身處麼如見釋迦老子生身處即見貴廷居士父

家範語錄卷三

六

母生身處如見貴廷居士父母生身處即見汝等諸人生身處所謂古今無二道聖凡無二心心外無異法法外無異心且應時及節一句作麼生道金蓮視足誰知已唯有雲門一棒親卓拄杖下座

上堂問如何是文殊普見師云描不成進云如何是觀音普聞師云畫不就進云恁麼則文殊觀音相見了也師云瞎問如何是不生不滅師云一切法乃云若論箇事難描難畫一切法生而不生一切法滅而不滅有無俱非當頭坐斷一句又作麼生時西堂喝一喝師云孤松繫五馬一箭射雙鵝

上堂我法妙難思不可以言宣遂喝一喝左右顧視云大眾會麼衆中有揚眉瞬目鼓舌搖唇者皆不契師呵呵大笑云不惟仁者如是縱饒禾山打鼓石鞮張弓敲牀擲舞笏擎叉有拍天之伎倆竭世之樞機到大西門下都用不著何故聾千山勢到嶽邊止萬派聲歸海上消

家範語錄卷三

七

會得舛偃風行水到渠成且攜手相逢一句作麼生道莫謂無心能聚首靈山有約在今朝

上堂問兩手分付時如何師云六六三十六進云未審付箇甚麼師云五五二十五進云自從頭陀破顏後直至而今笑不休師云閑言語乃云今朝六月十五山頭熱殺猛虎拈拄杖云惟有者箇清涼火雲堆裏歌舞踴躍跳利益人天哮呿吞吐佛祖不逐四時而凋不與萬象爲伍衲僧到此切忌莽爾大眾且道誰在甚麼處時僧喝一喝師云未在解唱也須接拍入發機除是千鈞弩卓拄杖下座

示眾

業識茫茫無本可據浪蕩于腳跟下好與三十卓拄杖云是山皆有寺何處不爲家

示眾舉雲門云結夏得數日也寒山子作麼生大瀉云結夏得數日也水牯牛作麼生龍蟠則不然結夏得數日也拄杖子作麼生且道龍蟠拄杖有甚長處擬心湊泊終難會達者應須暗裏驚

曾有語緊把繩頭做一場今日山僧無法說白雲堆裏菊華香咄

示衆百季壽命剎那期珍重林間獅子兒寒向地爐燒槽相須防額上兩行眉

示衆問雪片紛紛即且置拈華境界事如何師云物請問和尚師云何不呈似進云拈來即不中師云

你來作甚麼僧便喝師云即不中乃云向上一著不帶枝葉不涉廉纖代代相承如空合空似水合水直

下承當早遲八刻了也豈可分外添箇元子脚時結庵李居士出云弟子會也師云你作麼生會士云李

字原來十八子師云只知十八不知十九士拂袖歸位師云路遙知馬力歲久見人心

示衆黃檗山中無定法有時北也有時南敲風打雨成何事報汝諸人仔細參

示衆謹白諸人無甚言句萬法歸一一歸何處坐臥經行疑來疑去疑到露柱生兒因地一聲到方丈裏

討箇憑據

示衆問如何是境中人師云玉屏山上既明月進云如何是人中境師云蒲峽口邊笑白雲進云人境俱

奪時如何師直打出乃云空山白足話清宵落盡簪毛意氣饒更有一腔新佛法吟風對月打華簪

示衆敲定牙關剔起眉疑來疑去到無疑斯時方喫龍蟠棒鼻牽回白象兒

示衆選佛潭如一戲臺一場散了一場來不會止聞鑼鼓響知音方解曲中裁時僧作呵呵聲師便喝僧

無語師云巴歌易唱雪曲難和

示衆龍蟠有一語而今分付汝會得句中意超出諸生次且道是那一句燈籠露柱夜懷胎天明生得白頭子

示衆怎麼也不是不怎麼也不是怎麼不怎麼都虛不是且如何即是百萬軍中新顏良

小參
德山小參不答話趙州小參要答話一大老擔板不少且道龍蟠今夜答話是不答話是擲拄杖云路逢

劍客須呈劍不是詩人莫獻詩

除夕小盡二十九大盡三十日林下道人作麼委悉若向一氣未兆已前著得眼去落在第二更於萬物

見成之際信得及去轉沒交涉到者裏未免指鹿爲馬喚鐘作甕笑殺三家村裏臭老婆龍蟠豈忍杜口

只得與諸人說破還委悉麼來年更有新條在惱亂春風卒未休

樹窠劉居士生日請小參問父母未生前即且置觀面相呈時如何師云禮拜了退進云即今有多少受

用師云平天華甲子數到劫雲初問黃檗山中宗風大振且道白象開口時如何師云百獸腦裂問十方

世界即不問一時銷殞時如何師云百獸腦裂問十方殞得者箇麼進云茅蓬原是艸來蓋師便喝乃云五

十七年一著子也無生也也無死有人問汝壽多少向道庭前柏樹子

小參十五日已前滴水冰生十五日已後冷灰豆爆正當十五日諸方開爐設舖山僧者裏又且不然一

年三百六十日日日開爐一日十二箇時時時煅煉且煅煉箇甚麼銅頭鐵額漢盡在我山中

留化士小參今朝臘月初一靠倒銀山鐵壁既倒還須扶起不知那箇著力復舉古者道你有拄杖子與

你拄杖子你無拄杖子奪你拄杖子有者道你有拄杖子奪你拄杖子你無拄杖子與你拄杖子師云二

古德雖然有縱有奪有殺有活未免話作兩極且利害在甚麼處以拄杖卓一卓云割

題參

汝等諸人須痛念生死事大生不知來處處死不知去處既生死來都虛不知茫茫苦海六道輪迴其中

甚不堪也多見汝等不習無漏學戒定慧晝夜惺惺寂寂寂惺惺隨逐客塵妄想昏昧落於無記散亂

正是生死的根作不得主今世後生被他牽去孤負父母生身師長剃度乘今色力強健勇猛精進窮究

已躬光陰迅速時不待人從上聖賢肯從精進中來名聞十方豈不暢哉苦黃檗禪師有偈云塵勞迥脫

事非常緊把繩頭做一場不是一番寒徹骨爭得梅華撲鼻香珍重

題參曹山好酒飲了不沾唇趙州喫茶如何會打淫業適來一衆喫茶還淫業不淫業道道若也道得

許伊明修棧道暗度陳倉苟或未然珊瑚枕上兩行淚半是思君半恨君

機緣

僧問如何是大用師舉茶盞云會麼進云怎麼則挂月峰相見了也師云瞎

問開堂爲人即不問蓬萊生光事若何師云一堂風冷淡千古意分明

問行不出戶坐不當堂以何爲界師云一掌一握血問穿衣喫飯是甚麼人師云我也疑着僧佇思師云

直疑三十年

問萬法歸一一歸何處師云牛欄馬圈問世尊未降生時如何師云無處覓蹤迹僧云生後

時如何師云大地紫金蓮問如何是金鷄出林句師云割僧云如何是入林句師云陪僧云如何是不入句師云恰

問大地山河是箇鐵饅頭如何得破師云用破作麼僧佇思師驚頭一棒云百雜碎

問南泉斬猫是何意旨師云一刀兩段僧云不會師云問取降那僧云趙州頭戴神鞋又是何意師云父母所生口終不為君通

問如何是佛法的大意師云龍興寺後雲屏山蓮月參師豎如意云我喚作如意你喚作甚麼月便喝師云再喝一喝看月云更用惡水作麼師便打士問弟子初進步不知路頭求和尚指示師云毛店舖士竹思師云你是那裏人士云忠州師云既是忠州為甚不知毛店舖士復擬議師慈頭一棒士踊躍作禮而退

茶庵師語卷一

五

問萬法歸一一歸何處師云洗臉打淨策醇道人問如何是鐵鶴庵中境師云描不成畫不就醇云如何是庵中人師云有時飲茶有時歡粥醇云如何是庵中施主師云來說是非者便是是非人師偶入堂見西堂在東坐侍者在西坐師云一東西孰先孰後侍者云和尚請坐師問西堂汝又作麼生堂云道過了也師云同坑無異土師喫茶次一僧擬欲問話師攔胸拂住云道道僧云乞和尚指示師云鶴子過新羅

一僧拜跪云弟子愚蒙求師開示師云起來向汝道僧佇聽師云向下文長

師問映遠佛真法身猶若虛空汝作麼生會遠云不會乞和尚指示師撥爐中火云會麼遠云如是則一體也師云久燒了體在甚麼處遠佇思師云擬議隔千山問藕斷絲不斷時如何師震威一喝僧擬進語師云藕斷絲不斷法語

雲腹維那

三〇八

衲子立志須有日新之益後頭自有一段受用其或偷安度日老而無所得上孤諸聖下負己靈慈明云生無益於時久無聞於後是自棄也子宜勉之

默識禪人

青州布衫重七斤十人有五雙不知落處趙州古佛雖放光明照天照地為其中間有不到處且過在於何長連牀上七尺單前參之究之古佛自是不遠

玉立上座

英俊衲子終不與庸俗同流若趙州白雲慈明石霜諸大老頂笠腰包孤身萬里不顧危亡方了此事子

今混火隊中而參西禪可謂有古人之志焉余勉其志而贈之數語雖然略遙知馬力歲久見人心

樞密靜主

聖道垂秋古風將墜往往英俊有志於道者不尋師擇友惟苦守一句死話頭埋沒山中三二十季謂之參禪學道苦哉豈不聞二登九上一語透千山者乎所以德山入門便棒臨濟入門便喝秘魔擎叉雪峰親毬不似於今教人參話頭為人師耶直指人心早是曲了更欲沉思白雲萬里汝宜體會扶起古風吾道將有望耳

茶庵師語卷一

五

清谿禪人

佛祖之道超乎塵劫非等閑可核其實必金石溪頭然後近而得之也如二祖之立雪斷臂善財之捨身殞命長慶七破蒲團趙州八十行腳從上古聖皆如此也今清谿上人棄青衿而披緇衣辭文學而修佛慧隨余出蜀欲與二祖善財把臂共行山僧贈之數語必遂其志

司主醇公

茫茫三祇劫苦樂對誰說洞為口谿為舌千古自吟哦知音是彌勒梅華點點笑春風怪石堆堆解真說

行不修道為業憶雪山金刀削髭髮捨全身雲中求半偈諄公受我一指彈銘之心肅永不滅人生紫夢豈久長不可錯過好時節

西谷禪人

千數季前事渾忘一字無邇來愚亦拙疎狂莫怪吾有時性發惡老大拳頭巖看破趙州句壁上挂葫蘆

時軒蘇居士

本有之性人人具足二六時中急須著眼聽取一偈本有之佛性期期自太來乾坤多少闊何處有籠哉書問

茶庵師語卷二

十六

復龍臺發允院主

建法幢須是有力者扶登刹竿必賴有志者舉同報不報之恩共行難行之事實城梵剎龍臺最勝更喜仁者承擔佛祖風規豁開人天眼目真法門柱石誠像季津梁欣慰何極也待五龍事畢即日遵命不負威音那畔之約更結龍華後日之因暫勒申復臨楮神往

復三聖雲腹長老

自埋城一別再不聞便消息其心耿耿忽慧空禪者至接得來書及語錄方知已住兩利力行此道法門幸也今寄祖衣一頂臥具全幅惠汝代勞勉之

與三壁禪人

前兩次書來若中臺事畢可歸大酉再打幾箇葛藤方了末後句子承惠謝謝

與流長蘇居士

祖庭冷澹宗風寂寥須賴金湯方始振作恭惟居士坡公再世裴相重來令我法堂神不生也荷甚荷甚自天池一晤如同舊識想非偶然復於虹影室中激揚箇事打者鼓笛斯時西川知音雅和者誠惟居士耳大都此事是箇中人不難拈出自然龍吟霧驟虎

嘯風生第臨別時舟行所移未及譚得末後句子爲愧矣俟寶城歸來始可領懷叨承供益聯申布謝

復司主醇公附來書

老和尚結制坐禪以離塵凡醇道人明晨邀客數十於禪牀上艸庵中作殺人放火事可備五章以待莫仍在禪牀笑呵呵

門下說話大有來由然說禪則易見性誠難且大西洞天非大乘人莫能到則殺人放火與禪牀上大笑是同是別若道得一句分明即頭目髓腦而供養未足爲奇豈特五輩耶明晨恭候

又

宗門的意原不涉理路卜度貴在真參實悟今若未悟將一句話頭疑之既久自有悟處譬如虛空畢竟挂向什麼處若悟虛空挂處豈止道箇自然則十方世界在居士毛孔裏矣活潑自由如水潦和尚初參馬祖問曰如何是西來的大意祖曰禮拜者添纒禮拜祖乃擲胸踢倒撥大悟起來撫掌呵呵大笑曰也大奇也大奇百千三昧無量妙義祇向一毫頭上識得根源本也此古人悟道之機緣若向一毫頭上識得根源即識得虛空挂處便與古人把臂共行不

象崖挺禪師語錄卷三

十一

可坐在自然中埋沒了也百尺竿頭便請更進一步畢竟要知虛空挂處方有益耳

復非想孔護法

如何是面目指箇大圓相老翁回一點卻也成二樣一見笑呵呵好與加痛棒秋到菊華香春來穀水漲更問意如何初月柳梢上

象崖挺禪師語錄卷第二

象崖挺禪師語錄卷第三

潭州西峯法孫益聞重刊

頌古

夜觀明星

黃梅止渴石充饑珍重渠儂下口時夜半明星當午照擡眸失卻兩行眉

阿難刺竿

昔年何法付金襴弟應兄呼倒刺竿直至今誰舉似鴛鴦原上艸漫漫

女子入定

象崖挺禪師語錄卷三

罔明彈指從定出文殊彈指從定入一對鷺鷥臥雪眠一對鴛鴦池雙立

產難因緣

白雲有本來青山常不移夜半月孤圓風吹華落枝

外道問佛

言有言無箭機鋒射落雙鵬下碧穹鞭影再揮何處著那堪賊後又張弓

臨濟屬三聖

教兒師子欲分拳直待臨行露爪牙時被瞎驢頭倒哂依然返擲宿盧華

靈雪見桃華

浪迹江湖三十載豈知華下客全身殘紅滿地誰相委狼藉枝頭多少春

高峯梳子

食觀明月獨徘徊走入蘆華不轉來白石枕邊驚夢破風吹古寺竹門開

馬祖鹽醬

日用鹽和醬拈來總不疑平生肝膽事料得幾人知百丈野狐

古今百丈無前後落味野狐總一般荒塚火來毛不

露殘煙灰冷尾生斑

趙州狗子

生成得惡膽雄靈不懼師兒月自娛野鹿生擒牙爪利活馳敵殺骨毛蘇雲中吠出思孫氏牌上拈提憶子胡塗毒鼓邊休側耳莫向趙州問有無復高聲喝云唵唵唵唵唵唵唵

首山竹篋

首山竹篋子華開鐵樹裏擬議更尋思白雲千萬里

新婦騎驢

新婦騎驢阿家牽步步相隨俱進前袖拂清風無覓

普化搖鈴

柳市華街賣弄時得便宜處失便宜歸期木鐸無人會回首聲聲話向誰

三聖金鱗

迴迴龍門萬仞高金鱗搖尾躍波濤片時翅弱難飛太虛度桃華又一遭

中心樹子

斫倒中心樹家貧四壁空浩歌天地外拍掌鼓清風

疎山造塔

疎山造塔自矜龍何用羅山更費工耐耐鑿穿常住地連開臘月似霞紅

興化打維那

罰錢趁出院要爾立乾坤不提三尺劍何以報君恩

前三三

別時容易會時難聞說三三三也攢試問均提多少數月移華影上闌干

玻璃盞

南方別去自多岐忘卻家中喫茗時盞子拈來渾不薦何須腦後更加椎

主人翁

頻頻喚出主人翁老到季高怕耳聾不是人前誇意氣只緣口缺不關風

柏樹子

庭前柏樹子春秋知幾幾葉葉引清風枝枝呈秀氣咄咄尺蒼苔從地起

乾屎橛

南無乾屎橛稽首紫磨身入滅數千季金手向誰伸

趙州訪茱萸

觀入洪波裏相將探淺淡任君隨手掣盡盡一人心

東司上不可與汝說法

東司上不可與汝說法

泰和風鼓動物情叫一聲今應一聲野老不知春已到只聞華底有啼鶯

三聖爲人

兩箇漁翁盪扁舟竿垂香餌浪頭遊歸來得意分南北頭顱蘆華一樣秋

睦州現成

隔壁女兄原是姐姐不必問人可知禮也

臨濟三頌

一箇龍顏老作家逢人撒土又拋沙不因仙客言秦

事幾乎滿地是桃華

又

東街喫酒西街醉醒得來時腳底穿舊地翻身知痛處叢林自此號風顛

德山托鉢

德山父子話今丁無端平地掘溪坑果狀只得三年活疑殺盲龜跛僧

單刀直入

漠漠龍蛇戰陣開單刀直入哂如雷豈知自刎烏江上千古英魂喚不回

擔板漢

擔板漢擔板漢從來鼻孔失一半九曲明珠不解穿捏火蛇頭終不換喚任他漆桶打破來正好與之三

十棒

一口氣轉一大藏教

半滿空圓一口吹睦州舌底布鎗旗直教黑豆黃梨指莫使牛皮更鑿伊

德山棒

一棒一條痕千山俱打裂哀哉缺齒胡不識安心訣

七斤衫

翠衲舞春風襟帶飄明月一經華裏過通身香不徹衣中自有珠心碎難甄別別別撥艸須防猛虎穴

石頭云怎麼也得

山自高兮水自淡伯牙彈出子期音明明古調無人會只對華前弄月吟

三脚驢子弄蹄行

楊岐驢子疾如飛爲子揚鞭追不及驚驥驢驢漫共途湖南長老還一踢

婆生七子

呈燒舞棹訪知音豈料金鱗逐浪疾垂手輕輕繞一

掣風吹明月落波心

四方八面來時如何

霧裏龍生角長江鴨洗頭自有藏身處堪笑不堪愁

無位真人

無位真人赤肉團見則分明會則難朝太纔騎金色馬夜來凭倚玉闌干

趙州訪臨濟

作家纔相見雷轟并閃電一鼓定功勳拗折射鵰箭

趙州訪二庵主

蛺蝶採華入翠積枝枝斜出一般春夜闌只恐西風

妒半是相思半是嗔

二僧捲簾

或淡或濃山裏寺半舒半卷洞中雲古今得失憑誰主極目長江一帶分

蓮華未出水時如何

蓮華荷葉一絲牽水國香吹上下天出未出時紅齒苔相看只在碧波間

言無展事

眉安腦後口挂壁上擬之議之三十拄杖語默涉難微

趙州密密意

好馬不須蹄上走多年枯骨狗頭爭三歲獅兒善哮吼堪嗟學語樹頭鶯

船子度夾山

特地尋春扣薛蘿一枝漏泄出牆阿東君誤解枝頭意無奈香風錯過多

三寸離鉤巨浪頭

三寸離鉤巨浪頭金鱗未會意悠悠忽忽狀點首吞香餌不顧煙波舊釣舟

達磨面壁

九季面壁舌生毛脫賺神光下一刀早是無風波目

二祖立雪

起至今平地浪滔滔立雪神光徹骨寒覓心無處是心安忘懷歷劫簪纓日重立功勳把自謾

雲門餠餅

滿盤托出意如何餠餅相將說似他必也到江吳地盡方知隔岸越山多

兩堂下喝

賓賓主主賓賓殺活都盧喝下親雲水紛紛齊著瞎風顛撥出眼中塵

城東老母

雲鬢不塗香更好老來鶴髮自離披一從識得檀郎面整日拋梭繡畫眉

東山水上行

奇怪東山水上行毘盧跌倒普賢迎把手浪中歌一曲上船恰好正三更

子胡狗

日日籬邊毒氣腥不知吞卻幾多人雲中吠出崩崖石一見主人搖尾頻

青絹扇子足風涼

青絹扇子足風涼冷透冰肌骨也香踈跳不妨全殺活今人千古憶汾陽

裴相國托像於黃檗之前請安名

潦倒漁翁駕小舟月明水面自悠悠呈機泛泛迎風太蘆管一聲天地秋

百千諸佛但見其名未審居何國土

玉版浪傳閑姓字瑠璃國土類何齊等閑學得驚人句樓閣重重一筆題

北禪烹牛分歲

分歲只烹露地牛安排也好不多愁豈知頭角官來索風捲黎華赴水流

南泉指牡丹華

碧藥何勞粉黛妝根同天地破春芳遊蜂不肖銜香太空使莊周蝶夢長

匙挑不起

匙挑不起者些兒穿耳胡僧也鐵眉一幅寒雲收不得和風搭在古松枝

甘贊設粥

攜手相將入廣寒頻頻笑倚玉闌干僊人太矣無消息空把琵琶月下彈

天皇餅

十枚齋以一枚還千尺絲綸豈等閑牛餌果然鯨呬去三季不負任公顏

趙州洗鉢

秋月溶溶滿帝都甕頭有酒不須沽爛醉醒來天欲曉方知驚馬是龍駒

略約橋

長虹水面壓青天度馬度驢走似煙步步高飛雲襯足行人猶把柳條鞭

趙州三佛

金佛不度爐焉用更之乎梧桐葉未落秋到洞庭湖泥佛不度水茫茫而已矣龍蝦睡若惺長擊浪華起水佛不度火相逢會也麼梅柳渡江春斜斜三兩朵

紙燃無油

堂堂法眼是魚筌紙燃無油燭大千昔日高茅村座主潭邊點出日燒錢

楚王城畔汝水東流

層層白浪悉朝東兩岸蘆華舞亂風秦樹漫隨人事盡溶溶一帶接長空

風吹日炙

日炙風吹也大奇軟如玉石硬如泥盲龜踢著雙眸豁雪視梅華始見肥

對一說

對一說杜宇聲中啼出血驚嶺鷺池不二音千江澄浸孤秋月

倒一說

倒一說香香長空降團雪海藏龍宮影亦孤急須撲碎狸奴穴

曹源一滴

曹源一滴足波瀾洗耳自能透膽寒漁父乘流沉巨

浸那知是處有龍蟠

日裏看山日裏看山杖藜嗟峨疊翠豁雙眉分明綫采芙蓉嶂謝客無端咏作詩

芭蕉拄杖

正欲飲時甕不開方纔醉倒又添杯人情豈愛論高下自是杖錢少帶來

南泉斬貓

一刀兩段箇猶兒勘破堂堂王老師盡謂安邦定國手那知自失兩行眉

趙州喫茶

叔孫禮樂蕭何律趙老唯煎一盞茶香味豈從陸羽製喫時珍重雪飛華

婆伽趙州笋

展陣豎旗驗賊賊老婆一掌賊猖狂雖狀偷得趙州笋鐵打心肝也斷腸

玄沙未徹

賊被小人侵達人說不得善偷須善放始是孟嘗客三張白紙

秋雲淡

秋雲淡秋風清白紙三張寄遠聲一曲漁哥歸唱後又移短棹宿蘆汀

九峰不肖首座

香浮寶鴨別疎親一片虛疑絕謂陳玉版只知雲裏拍錯放雪曲和陽春

中邑獼猴

睡去芸窗面開獼猴跨跳下崔嵬一聲夢破三更月依舊迎風嘯古臺

劫火洞然大千俱壞

西川古佛唱宗猷劫火炎中一句酬隨不隨之休擬議青山不動水長流

香嚴擊竹

瓦礫堆中埽白雲蒼筤一擊碎苔紋不因楞眼窺春
綠紫陌笙歌那得聞

德山見龍潭

一層峰鎖一層峰潭靜何因見老龍紙火吹時雲雨
散一鉤蘿月挂寒松

馬祖不安

衰容枕石不通風院主無端詔老翁夾路桃華風雨
妒馬蹄無處避殘紅

犀牛扇子

寒山轉苍翠

三

犀牛扇子足風涼放去收來總不妨直下若能親薦
得橫吹鐵笛度滄浪

香嚴上樹

岍栢拖煙睡不起鷓鴣啼在深華裏聲聲喚出迴南
枝惱亂東風卒未已

歸宗斬蛇

一鋤斫斷赤斑蛇血染空山似落霞義虎駭朕輪小
捷漫勞天女雨天華

雪峰住庵

不同條外同條生石女谿邊夜鼓笙一曲兩曲知音

少氣煞華中恰二更

烏窠吹布毛

杖錫不隨空谷隱住持風月樹爲家布毛吹起崑崙
走萬頃湖光映落霞

國師塔樣

潦倒南陽老國師無紋塔樣對君提不因潭北通消
息未免將身帶雨泥

舉道者訪瑯琊

苦瓜連根苦甜瓜微帶甜相看賓主意都盧一并拈
使得十二時

周市十二時從頭換到老一任臥煙蘿何處有煩惱

麻三斤

佛也麻三斤洞山一秤稱分付主家奴莫錯定盤星

寶壽開堂

搥鼓繞登曲糸牀龍驤虎驟盡歸降無端三聖推僧
出血刃腥風滿大唐

洞山三頓

度水穿雲太不難何如三頓直斯謾腰間暗中雌雄
箭拔出方知徹骨寒

南泉歸宗麻谷訪忠國師

隔夜商量話不同三三兩兩半途知春色東風
裏吹綻桃華幾樹紅

無著禮文殊

拈起玻璃正喫茶不知口角是龍牙可憐更問三三
數孤負清涼老作家

目前無法

目前無法七通八達擬更如何當頭一踢

北斗藏身

北斗藏身不較多韶陽老子太波波擬將清淨身如
洗依朕跳入葛藤窩

鼓山折箭

離弦聖箭射重關驚起江城白鴈羣半在蘆華半在
水月明南北少人分

十智同真

何須隔水問蒹葭面目分明絕點霞白鷺下田千點
雪黃鸝上樹一枝華

平常心是道

山中逢樵者伐木自丁丁鐘中無鼓響鼓裏無鐘聲
露冷華心重雲開雨脚輕箇是平常道言外度慈情

聯芳偈

聯芳偈

石谷慧禪人

千戈林裏偶傳心代代相承古至今掌上靈符隨汝
用只教黃檗盡成林

香林啓禪人

巾幘十載事弘規寶印重重付與誰不是吾家親的
子那能擔荷合相宜

雲腹智禪人

烈燄芬芳古者傳隨緣行化任方圓汝能代釣金鱗
子繼祖宗風燈更然

知止瑞禪人

寒山轉苍翠

六

一燈分點百千燈燈燈續燄燄層層子能下手親挑
撥繼此宗風獨爾能

繩一禪人

椒結椒兮瓜結瓜牽藤引蔓自分遮唯餘黃檗無窮
盡時到又開一樹華

我一禪人

微塵卽法身法身卽微塵二俱悉分付世代續傳燈

象崖挺禪師語錄卷第三

五

象崖挺禪師語錄卷第四

潭州西峯法孫益聞重刊

偈

示香庵老宿

東梁燕語西梁燕庵外香飄庵內香
莖艸拈來俱是藥不須別處問醫王

示明庵老宿

栢子蒼蒼憶趙州撐天拄地少人
驕龍蟠指出無生句到處風光得自由

示從初禪人

象崖挺禪師語錄卷四

卓卓無依問太來炊巾亂展欠安
排山藤便與通消息珍重關黎眼自開

示惺拙禪人

鐘聲撼動五須彌妙吉空生也著
疑縱是大悲徒側耳拈來惟許瞎驢知

示知止禪人

雷音何處不聞聞驚惺林中獅子
羣珍重上人休掩耳奇哉佳韻好殷勤

示迴瀾禪人

父母未生前面目堂堂獨露沒周
遮就中若解翻騰

本始向獅林弄爪牙

示桃華首座

核種驢季不借功今朝浪放幾枝
紅直教含笑三千輩自有靈雲一氣通

示圓融副寺

生薑舖子絕疎親賤賣如何得本
真聲價欲高齊保壽拈來辣氣始驚人

示皓月禪人

一語臨行付爾曹穿雲渡水莫辭
勞谿光照眼原無別始信天香玉桂高

示安然老宿

慣駕輕舸巨浪遊釣來明月賣風
流有時撥轉瑤璃岬古渡風清鎮日幽

示般若典座

鉢囊高挂九龍臺一句話頭豎春
猜驀地打翻鍋子蓋珍饈百味任安排

示別眉禪人

一箇鼻頭生額下眉毛兩道曲彎
彎穿衣喫飯尋常事見得分明絕仰攀

謝瑞王化溥萬國之額

慈雲遍覆三千界慧海掀騰百億
洲時泛龍舟遊蜀錦山川在處沐恩庥

謝雙桂破老人惠爐

大地為爐山作香煙雲瑞氣日騰
祥箇中且道誰拈出唯有吾師紫臂長

雪中示眾

爐無梢柁歲寒多貧到無貧徹骨
何為甚夜來風似剪青山盡作白頭陀

香本有雪以詩賞味是今季一字
無瞋目打翻天地色江山一片畫冰壺

又

寒暑逼人何處避老僧頭白不知
季偶因記得栽松日自引清風枕石眠

行到無行路已窮轉身一步活如
龍拈來莖艸全正令大用堂堂不借功

復南海黃公

世外相逢少送迎深交固是出常
情羅浮雲氣連天際杖笠何時喚共行

千竒萬壑一雲飄睡足煎茶掃葉
燒泉石幽栖誰是侶不辭麋鹿竹為橋

復虛白張居士

不因山色與谿聲自有聞聞聞更
清客至不陪還睡去從教巖月共燈明

石鼓婆娑不斷聲今人聞徹耳根
清踟躕坐落松間月古殿殘燈永夜明

示雲峰陳居士

搖鈴打鼓又敲鐘不是顛兮不是
風就裏若能明得太銀山鐵壁一時通

示靈章文居士

獅子窟中獅子吼梅檀林裏梅檀
香會得玉屏真境

界谿山雲月盡文章

山中無事倚長松記得維摩多舌
翁曲調彎彎雲漫漫何時聚首話心空

寄玉川胡居士

駐錫雲峰萬仞高搖鈴打鼓起風
濤稀聲寄與胡居士接拍而今莫憚勞

別明天監院

黃葉山中坐釣臺金鱗逐浪意悠
悠杖頭暫別拈華太收拾絲綸太復來

別無學監院

一把鐮頭聚聖流推予幾觀雪峰
毬靈山有約還來此他日相逢笑未休

示默融雅髮

幾度思來幾度空今朝特地出羅
籠利刀剪卻佛前艸露出曇華一朵紅

示大用禪人

日用不妨全體現陽春一曲古今
同等閑腳底通消息草艸拈來活似龍

夏日示眾

漠漠雲通遠空無冰滌暑只乘風涼生殿閣誰能
會唯有福筆刺眼紅

永興留別

也無佛法也無禪不二門開邊後賢珍重忠南僧與
俗回頭木馬好加鞭

福嚴留別

福嚴茅屋權栖止像季凋零甚可哀去住了無些子
子唯留一傘蓋如來

復雙桂破老人

蜀水淹留十數秋二時隨分飽金牛零星剝境孟中

放磅礮煙濤脚下收浮世有情如野馬幻軀無事即
閑陽枯藤在處憑拈弄何必深山枕石頭

復蝶庵陳先生

驚嶺金湯喝大莖奇逢歡揖帝王城機投聚首渾無
相避世高蹤卻有聲風鼓燈山旛自舞舟移漢水岍
應行可能親面翻前案極目乾坤總是卿

復天民任居士

半似風狂半似顛也無文字也無禪餅添蜀水灘前
拘拘補雲雪雲眠七處開爐依幻住十回吹炭展
空拳臨岐報與維摩詰須信壺中別有天

卷四

六

建庵

醉翁讀我老癡頑大德贈云為智傑究之癡智兩皆
空幻名幻相何分別鐵鶴翩翩公復來鳴聞九阜聲
弗竭大千世界一箇庵在處栖泊無間歇音請諸人
共構成庵分鶴兮永不滅

妙高峰頂建樓無限天人笑點頭獅子嘯呻吟欣奮
迅象王回顧喜遊玉屏雲陰千界金鼎香焚萬
萬秋聖主有時施雨澤燈籠露柱沐洪床

除夕示眾

屈指流光逝水多寂寥共守話煙蘿觀桃笑旨應須

委擊竹忘知會也麼玉兔井藤留不住金烏石火急
如梭吾曹好把韶華惜迷悟都盧一刹那

復竹微法弟

雙桂連枝秀浮杯萬里津穿雲歌蜀水入夢釣漳濱
杖擊巫山雨華拈錦郭春同風殊有約在處擬相親

示三壁上人

野衲何居止深山是所依鉢鉢猿宿處杖挂鳥栖枝
曲徑深藏拙拙光世外奇竿頭如進步水月任君題

示可法楞居士

可法從何法得來不記春靈機常歷歷妙用自頻頻

卷四

七

笊攏水中影瓶磨鏡上塵斯言答五柳珍重渡前津
示惺拙監院

示濮如禪人

我宗無語句不立諸文字有時惺得來清風面面至
山河即我體我體即無生隨緣而出沒頭頭佛道成

示本趣禪人

欲識箇中趣如人養正抓癢處有時息風流無可加
承聞下脚處只在筆尖頭點墨化龍太翻身五鳳樓

復忠國王文學

山居雜韻

復成都蜀王 附原韻

柱屹巫雲半倚天高人獨向此中偏雨華散作空
王拂香舌凝成玉井蓮細切清風非有意薄披皓

月已忘言生龍活虎真難及試聽雷音出廣寒

至露遙承下碧天金枝迴秀最先偏香爾鳳閣三秋
桂氣泥龍池萬品蓮繡榻有移僧共語錦屏寧別佛

同言愧雷雨澤恩波重永祝長生齒不寒

懷雙桂破老人

福城東際暮相逢六載依依抵萬峰愧領剎竿支世
亂羞承衣鉢荷情濃幾拈鶴謫有爐在數奇屬音沒

路通昨夜夢酣如侍側金容蒼古髮鬚鬆

感懷

廿年萍迹逐飄蓬世運奚能懷鄙衷日短桑榆驚遠
近時艱劫火逼西東道微自愧趙州老德薄猶慚鄧

吟雪

隱翁朽骨如藏林下拙鴻毛何日遇長風

聞鐘

東寒疑切關春濃六出絲來捕碧空市地色鋪銀世
界滿天光吐玉毫容過巖老兔逃栖穴渡澗玄猿失

旅次

住峰素質也知從幻太何勞堆積數千重

歲暮遣懷

洪響誰敲午夜長隨風喚醒夢魂忙逸林若斷藏虛
谷入耳還傳出上方直到無聞開始徹更須靜聽聽

浴華

非忘浮空亘古彌三際何用勞勞舉驗常

時逢劫火

浴華有問住持何處是蒲團放下便為家

哭天童密雲師翁

痛拈毒棒便心傾出關三番喚共行入室懷香遭扇

打登舟禮足被拳驚碎身易竭千行淚粉骨難陳半
點情賜倒天童云化去那知沙界更聞聲

山居

隱隱山房絕四維寒松疎竹任橫支灣環曲徑誰能

落華十咏

到回復嗟哦我獨宜澗底添餅邀月疊潭邊洗鉢轉

經遲桃開滿樹無人會惟許靈雲一展眉

落華十咏

紛紛何事忽飄然欲與東風和幾聯嫩紫頻催分竹
石棧紅遞送染山川淡濃早勉空枝上開謝誰嗟在
目前金谷一辭今在否重來吐彩是何春
搖落輕飛漫感傷須知幾度送韶光醒非幻色應休
戀觀破浮華不耐放視雪流芳迷曲徑乘風散彩滿
空塘鳳銜不盡疑天雨惟有空中簸片香
輕紅淡紫莫露衣放浪從教點綴飛麗矣開時知賞
有飄然落處醒吟稀清心擬欲隨雲去素志何如赴
雪歸舞斷香風離蝶夢莊生何處覓芳菲
春去無能留住何爭奇鬪麗總離柯自憐竹徑吟偏

寒山詩錄卷四

十一

少誰惜松街掃更多披拂亭亭峰卷韻芬芳處處鳥
銜歌枝頭不膩空諸色豈礙飄飄出錦窩
頰紅采采送春忙香望長空散渺茫拍指天工留不
住回頭風度太還香高飛引蝶穿深牖丹逐流鶯過
短牆信手拈呈尚不薦從添遊子索枯腸
浪敲幾點不成韻雨妒無何洗淡紅豈待泮狀方委
幻未從落也早知空萬般奇藥初朝雪千品英魂一
雲風瀟灑且隨流水去芬芳長浦碧波中
颺颺輕搖數點幽豔姿誰惜別枝頭漫牽羣蝶迷香
夢徒惹東君擲露愁手悻初觀情欲冷枯榮一致興

偏悠杳然散去難描畫月下僂人獨倚樓
離離況蕩不堪任到此能吟有幾人落地無聲歸玉
屑隨風有意潤金塵不將頰鬢繁清景獨把殘紅送
鮑春分付馬蹄休蹋碎呼童急掃可成茵
傳道東風本不回急辭嫩夢杜鵑哀陪鶯入室穿簾
幕伴燕參差拂鏡臺聞梵呈心堆淨几憐春鋪錦上
蒼苔清香一別乘風去知是何時入望來
幾下枝頭破碧空朱顏誰惜別芳叢池邊擲浪魚驚
餌竹裏拋香蝶趁紅意淡輕明浮霽月情濃窈窕送
春風相逢不必傳佳信總在飄然一霎中

遺興

宇宙何窮極狂夫一杖挑霜清紅日麗雲淡碧天寥
廓影動山際鐘聲出樹遙何時逢聖世雖老亦翬翬

訪友

谷口偶相訪但來叩竹扉不聞垂棒喝猶見雨華飛
徑曲鳥聲轉雲斜山色輝官然何所得谿畔月同歸

雲莊

聞道雲莊勝攜筇快一遊攤書嫌圃小洗墨愛池幽
洞艸心華現天泉性地流先生無俗累詩賦共僧酬

初夏

朱明初兆穆風和定起烹茶遣睡魔食聽谿聲頻送
韻不知簾外綠陰多
炎帝施權景物馨谿邊洗鉢寶泉清開翻貝葉無餘
事嬾向石頭滑處行

斗柄南移夏漸溫槐陰處處鳥聲喧荷開水殿搖新
碧逐日風傳香到門

乘風散暑竹門開近水涼從谿上來自是胸中無熱
惱不妨欹枕臥高臺

萬疊奇雲聳夕陽護僧白足坐匡牀山居不用尋冰
閣自有松風忒煞涼

寒山詩錄卷四

十一

杏熟梅酸百穀生閒居燕坐弄風清老來不答人間
語謝卻浮名身也輕

黃鸝繞轉高聲去禪客又來叩竹扉畢竟山僧何管
待惟拈白棒濟人饑

年年避暑碧蘿陰到處逢山不厭深惟有今年淡最
絕鉢盂高挂鳥難尋

大夏

時臨毒熱欲燒空百計乘涼須好風能息利名心上
火茅庵便是水晶宮

彼此無情物自齊茅庵雖窄鹿同栖心幽畢竟無煩

暑截斷炎雲水一谿

塵空境寂孰相尋避世無如此處淡縱有火雲飛不
到黃鸝叫斷綠蘿陰

世亂拋絲志已灰放歌消暑獨徘徊山房盡日無人
到午夜鐘清月自來

小閣疎牕午正開竹風吹水送涼來昏沉又到如何
遣遠榻狂歌走一回

雨餘苗長氣如蒸錫挂孤峰最上層惟解跣趺如水
淨人間伎倆百無能

雨打枇杷幾樹低愛涼竹榻近陰移若能諸想時空

寒山詩錄卷四

十三

寂樂石流金總不知
披襟浴暑樂無央時聽谿聲琴一張識得箇中流水
意等閑何處不清涼

萬峰十景

天龍峰
天龍原在箇雄峰幾問樵人話不同下界但看雲霧
起千年夢眼是渠通

寶石坡

山中有石皆爲寶獨此峻嶒豈讓他幾片白雲封不
住光明爛耀平坡

大歇場

懂懂雲水原無住到處家山即歇場攜月攜餅雖近
遠大都腳下貴承當

金鵝池

最高峰頂月池開時放金鵝洗羽埃聽偈自從雲裏
去至今猶未見飛來

響山

空空寂寂此山響聽去聽來亦無兩就中千古少人
知隨風到我石牀上

虎跳了

奇哉誰鑿開天竅雲霧飛來不敢單惟有華林二侍
者大空小空任踈跳

滑石板

雲摩滑石傍山谿半滿蒼苔映水瀾踴者只教山月
舞幾人悟也幾人疑

凉水井

幾次尋源事渺茫豁開原只在雲傍溶溶掬起秋光
冷一任時人洗熱腸

蒲峽口

能牽薜荔引雲長春到華聲落水香悟取耳門消息
斷何須蒲峽口來嘗

馬鞍石

曾騎木馬石爲鞍法戰歸來置此山自是無窮鞭影
惑太平終不借征番

九日有感

何事求人意若狂渾忘此日是重陽拈來草州知機
少愁見東籬菊又黃

松濤

不是風兮不是松只聞巨浪涌虛空行人擬欲停車
想應卻堂堂那一通

象崖禪師語錄卷四

五

過白雲寺贈蒼白老宿

僧居雲裏寺居山徑幾曲兮谿幾灣就此不知三伏
暑蒼蒼別是一人間

山居

三箇芋頭品字煨地爐香熟出寒灰飽餐便是諸天
供門外從教紫詔來

避秦何處可尋山縛箇茅蓬偷得閑自住此間忘管
待竹門雖設未曾關

悼無著首座

選佛場中第一人名同昆季與天親欲回兜率白椎

本棄卻空華夢裏身

真蹟空相爾人請

者箇山巒手卓拄杖半風半顛佛祖不讓身栖海底
意在天上黃檗山中被人讚謗楞伽峰頂飲毒無量
偶到竹陽撞著空相奇筆丹青圖醜模樣呼而無聲
觀之有狀諸狀既空真亦是妄無德可稱寫之誰望
不如扯碎分身萬嶂免遺後世罵我老象脚踢紅鞵
風流和尚謹白諸人莫要供養
佛事

太平挂板

象崖禪師語錄卷四

十六

太平寺裏新條初唱選佛場中舊令重嚴金鐘震千
古不墜之洪音玉板敲萬劫長鳴之佳韻擊遍擎山
河起舞蹈遍大地春生網維規範耳目叢林遂豎
槌云大衆見麼擊一下云大衆聞麼即此見聞非見
聞無餘聲色可呈君擲下槌云箇中若了原無事體
用何妨分不分

中慶挂板

靈寶英苗乘風響應迴示人天全提正令乃擊一下
云橫敲迸出千岳月驚起泥牛走碧空擲下槌云大
衆見麼玉板音鳴翻古調金鐘夜听轉新腔喝一喝

遂挂

爲無學監院火

關中主主中關一把鑼頭不離山欲賣趙州茶味別
十季開種白雲間且道即今向甚麼處太勛斗一翻
三界外丙丁童子笑憨憨

爲片雪禪人火

樹下問吾生來訣未曾一句向渠說今日分明舉似
伊烈燄堆頭飛片雪

爲悟道行者火

今日也忙忙明日也忙忙忙吹三昧火腦後發圓光

且道煙消灰盡時還忙也無忙到西方公蓮臺九品
香喝一喝

爲無我老宿火

乞法三村老比丘修行季老愛風流俏狀欲返無生
國猶戴霜華白滿頭且道無生國路頭在甚麼處乃
攏下炬云去

象崖禪師語錄卷第四終

講書法孫益燈助刻 副寺性慧 侍者通定 對 寶水謝文英書
弟子性一通育 康熙庚申季大夏月吉旦示即楞嚴寺般若坊藏板